

Von mancherley Gewächs vnd viler-
ley Thieren.

Das X. Capitel.

Alles was langsam wächst vnd zunimpt / als vnder dem Gewächs / der Lychbaum / Cypressenbaum / Welbaum / vnd dergleichen / vnder den Thieren der Heltant / die Krây / der Hirtz / vnd dergleichen / die verstehen auff ihr bedeutung gar lang / wann vns von ihnen träumet.

Was aber schnell vnd behend auffwächst / vnd zunimbt / als vnder dem Gewächs der Râbstock vnd pferingbaum / vnder den Thieren die Saw / vnd dergleichen / enden ihr bedeutung gar bald.

Alles was in ein grosse höhe wächst / als die Danden vnd Cypressenbaum / lange Männer oder personen warnen vns im schlaff / daß wir langmütig seyn sollen / vnd nicht vergebens eylen.

Aber die kurzen vnd niederträchtigen Baum / oder andere ding bedeuten vns / daß wir vns nit lang saumen sollen / in vnsern Händeln vnd Sachen.

Von Gemäwr / Fundament vnd
Bäumen.

Das XI. Capitel.

Alles was starck / gewaltig vnd vest ist / als Mawren / Fundament / starcke Baum / Eisenwerck vnd dergleichen / seind fast gut denen / die sich fürchten vnd besorgen ; Dann vmb der sicherung willen bedeuten sie entledigung der forcht / wo einer hinder solche ding
sich